

3. gr.

Reglugerð þessi er sett samkvæmt 188. gr. laga um loftferðir nr. 34 21, maí 1964 til að öðlast gildi þegar í stað, og birtist til eftirbreytni öllum þeim, sem hlut eiga að máli.

Samgönguráðuneytið, 12. ágúst 1982.

Steingrímur Hermannsson.

Birgir Guðjónsson.

12. ágúst 1982.

Nr. 480.

SAMPYKKT

um afgreiðslutíma verslana í Vestmannaeyjum o. fl.

1. gr.

Samþykktin tekur til hvers konar smásöluverslana í Vestmannaeyjum, þ. á. m. sölu-
turna, svo og til brauðbúða.

Um daglegan vinnutíma og önnur starfskjör fólks, sem vinnur í starfsgreinum þeim, sem samþykkt þessi tekur til, fer eftir hlutaðeigandi kjarasamningum og venjum er tíðkast hafa í hverri grein.

Bæjarstjórn getur með samþykkt ráðherra ákveðið, að fyrirmæli þessarar samþykktar taki að nokkru eða öllu leyti til afgreiðslutíma annara fyrirtækja, sem hafa bein viðskipti við almenning, t. d. rakarastofa, hárgreiðslustofa, ljósmyndastofa, viðgerðarverkstæða o. s. frv.

Undanþegnar ákvæðum samþykktarinnar eru þó lyfjabúðir, bifreiðastöðvar og bensín-
afgreiðslur. Ekki ná ákvæðin heldur til sjálfsala, blaðasölu á götum, merkjasölu og annars slíks.

2. gr.

Daglegur afgreiðslutími smásöluverslana og annarra sölustaða, er samþykkt þessi tekur til, skal vera sem hér segir, nema öðruvísi sé sérstaklega ákveðið í samþykktinni:

Virka daga skal heimilt að opna sölustaði kl. 8.00, og lokað skal þeim ekki síðar en kl. 20.00.

Á laugardögum skal heimilt að halda sölustöðum opnum til kl. 12.00. Fyrsta laugardag í desember má þó halda sölustöðum opnum til kl. 16.00, en aðra laugardaga í þeim mánuði til kl. 18.00. Hinn 18. desember má halda verslunum opnum til kl. 22.00, en sé 18. desember sunnudagur gildir sú regla 19. desember.

Síðasta virkan dag fyrir aðfangadag jóla skal heimilt að hafa verslanir opnar til kl. 24.00.

Bæjarstjórn getur að fengnum tillögum lögreglustjóra heimilað, að sölustaðir verði opnaðir fyrir en segir í grein þessari.

3. gr.

Brauðbúðir mega vera opnar kl. 8.00 - 20.00 virka daga, nema laugardaga, en þá skal lokað eigi síðar en kl. 16.00. Á sunnudögum og eins öðrum dögum, er taldir eru í B-lið 6. gr. skal lokað eigi síðar en kl. 16.00.

4. gr.

Bæjarstjórn getur að fengnum tillögum lögreglustjóra og heilbrigðisnefndar leyft, að vikið sé frá ákvæðum 2. gr. þegar um er að ræða söluturna og sambærilega sölustaði, þannig að þeir verði opnir til kl. 23.30 alla daga aðra en þá, er um ræðir í A- lið 6. gr.

Sölustaðir þeir, sem um ræðir í 1. mgr. skulu algerlega aðgreindir frá verslun eða birgðageymslu verslunar. Bæjarstjórn getur ákveðið, að sala þar megi eingöngu fara um söluop.

Bæjarstjórn setur að fengnum tillögum Félags kaupssýslumanna í Vestmannaeyjum sér-

stakan vörulista, þar sem tilgreint sé hvaða vörur kemur til greina að selja megi á sölustöðum þeim, sem um ræðir í þessari grein.

Í hverju leyfi, sem veitt verður til rekstrar, skv. þessari grein, skal tekið fram, hvaða vörur af áðurnefndum lista heilbrigðisnefnd telur fært að leyfa þar til sölu, með hliðsjón af aðstæðum. Á hverjum sölustað skal komið fyrir á stað, þar sem viðskiptamenn geta greinilega séð, skrá um það, hvað selja má á staðnum, og skal sú skrá staðfest af trúnaðarmanni nefndarinnar.

5. gr.

Bæjarstjórn getur að fenginni umsögn heilbrigðisnefndar heimilað, að verslanir, sem eingöngu selja heitar pylsur, smurt brauð, öl, gosdrykki, mjólk og vörutegundir innan þeirra marka, sem um ræðir í 5. mgr. 4. gr., svo og verslanir, sem eingöngu selja neysluís mega vera opnar alla daga, nema þá sem um getur í A-lið 6. gr., sbr. C-lið sömu greinar.

Bæjarstjórn getur og að fengnum meðmælum lögreglustjóra leyft að slíkar verslanir verði opnar eftir kl. 23.30. Í leyfi skal þá tiltekið, hvenær loka skuli, svo og nánari skilyrði um umbúnað allan á hlutaðeigandi sölustað.

6. gr.

Um lokun sölustaða á einstökum helgidögum og hátíðisdögum gilda eftirfarandi reglur:

- A. Föstudaginn langa, páskadag, hvítasunnudag og jóladag skal öllum sölustöðum lokað allan daginn.
- B. Alla sunnudaga, nýársdag, skírdag, annan páskadag, sumardaginn fyrsta, 1. maí, annan hvítasunnudag, uppstigningardag, 17. júní, fyrsta mánudag í ágúst og annan jóladag skal sölustöðum lokað allan daginn, sbr. þó undantekningarákvæði í 3. - 5. gr.
- C. Aðfangadag jóla og gamlársgangur skal öllum sölustöðum lokað eigi síðar en kl. 13.00.

7. gr.

Í kvikmyndahúsum, leikhúsum, á íþróttavöllum, útiskemmtistöðum og slíkum stöðum skal heimilt, að fengnu samþykki heilbrigðisnefndar, að selja sælgæti, tóbak, ís, gosdrykki og annað slíkt, sem ætla má að neytt verði á staðnum. Einnig má selja sýningarákrár, minjagripí eða annað slíkt, sem eðlilegt telst að þar sé til sölu, utan þess tíma, er um getur í 2. gr., þó aldrei eftir að sýningu lýkur eða skemmtistað er lokað.

8. gr.

Eftir lokunartíma sölustaða er óheimilt að selja þann varning sem verslunarleyfi þarf til sölu á.

Þá skal heimilt að afgreiða þá menn, sem komnir eru í verslun eða sölustað, þegar lokað er. Ennfremur er heimilt að afgreiða vörur til skipa hvenær sem er sólarhrings.

9. gr.

Lögreglustjóri getur heimilað í einstökum tilvikum rýmri sölutíma en segir í samþykkt þessari, þegar hann telur sérstaka ástæðu til, meðal annars þegar ákveðið er, að ágóði af sölu renni til almenningsheilla.

10. gr.

Bæjarstjórn getur leyft rýmri afgreiðslutíma, þegar um er að ræða sölu á lifandi blómum, sölu á garðplöntum og sölu á jólatrjáum og slíkum vörum, svo og áþekka sölu, þar sem eðlilegt telst, að rýmri afgreiðslutími sé.

Hún getur og leyft rýmri afgreiðslutíma, þegar um er að ræða minjagripaverslanir.

Reglur um rýmri afgreiðslutíma, skv. þessari grein skulu settar að fengnum tillögum Félags kaupþýslumanna í Vestmannaeyjum.

11. gr.

Fyrir leyfi, skv. 4. gr., skal greiða gjald í bæjarsjóð, kr. 4.000,00 á ári. Gjaldldagi þess er 15. mars ár hvert. Þegar leyfisgjald er greitt fær leyfishafi greiðsluviðurkenningu, sem geyma ber á sölustað, yfirvöldum til sýnis, ef óskað er.

Ef leyfishafi brýtur samþykkt þessa eða skilyrði, sem bæjarstjórn, heilbrigðisnefnd eða lögreglustjóri setja fyrir leyfi, greiðir ekki gjaldið á gjalddaga, eða rekstur sölustaðar þykir ekki fara vel úr hendi, má bæjarstjórn svipta leyfishafa leyfinu, enda hafi leyfishafi ekki látið segjast við aðvörun. Jafnframt má þá ákveða, að leyfi verði ekki veitt til slíks rekstrar á viðkomandi stað um tiltekinn tíma.

12. gr.

Brot gegn samþykkt þessari varða sektum kr. 1.000,00 - 10.000,00 og renna sektirnar í bæjarsjóð. Með mál út af brotum á samþykktinni skal farið að hætti opinberra mála.

Samþykkt þessi, sem Bæjarstjórn Vestmannaeyja hefur samið og samþykkt, staðfestist hér með skv. lögum nr. 17. 1. febrúar 1936, um samþykktir um lokunartíma sölubúða, til þess að öðlast gildi þegar í stað með þeim takmörkunum þó, sem lög nr. 45 15. júní 1926, um almannafríð á helgidögum þjóðkirkjunnar setja.

Jafnframt er fellt úr gildi samþykkt um lokunartíma sölubúða í Vestmannaeyjum, frá 12. nóv. 1952.

Félagsmálaráðuneytið, 12. ágúst 1982.

F. h. r.

Hallgrímur Dalberg.

Jón Sigurpálsson.

13. ágúst 1982.

Nr. 481.

SAMÞYKKT

um breyting á samþykkt um stjórn Reykjavíkurborgar og fundarsköp borgarstjórnar nr. 140 10. ágúst 1964.

1. gr.

1. gr. orðist svo:

Borgarstjórn Reykjavíkur er skipuð 15 borgarfulltrúum, kjörnum skv. lögum nr. 5/1962.

2. gr.

2. mgr. 7. gr. orðist svo:

Aukafundi skal halda skv. ákvörðun borgarstjóra, forseta borgarstjórnar, eða ef fimm borgarfulltrúar hið fæsta krefjast þess.

3. gr.

Ákvæði til bráðabirgða:

Breytingar þessar taka gildi við reglulegar kosningar til borgarstjórnar á árinu 1986 og skulu þá kjörnir 15 borgarfulltrúar.

Samþykkt þessi sem borgarstjórn Reykjavíkurborgar hefur samið og samþykkt staðfestist hér með samkvæmt lögum nr. 58 29. mars 1961.

Félagsmálaráðuneytið, 13. ágúst 1982.

F. h. r.

Hallgrímur Dalberg.

Hólmfríður Snæbjörnsdóttir.